



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1230. Usque Ad Annum 1248

**Fleury, Claude**


**August. Vind. [u.a.], 1764**

**VD18 90118049**

§. 1. Innocentius IV. Papa.

---

[urn:nbn:de:hbz:466:1-66268](https://nbn-resolving.org/urn:nbn:de:hbz:466:1-66268)



HISTORIÆ  
ECCLESIASTICÆ  
LIBER LXXXII.

(∞∞∞∞∞∞∞∞∞∞∞∞)

INNOCENTIUS IV. PAPA.

FRIDERICUS II. IMP. OCCID.

BALDUINUS II. IMP. ORIENTIS.

§. I.

*Innocentius IV. Papa.*

Cum Sedes Apostolica diutissime va- Sæcul. XIII.  
caret, & Cardinales conjecta in Cæ- A.C. 1243.  
sarem rei culpa, Collegarum alio- Matth. Par.  
rumque Præsulum captivorum liberta- an. 1243.  
tem ab eo instanter peterent, anno 1242 p. 530.

D d 2                      majo-

**Sæcul. XIII.** majorem partem e custodia dimisit. Sed  
**A.C. 1243.** Papæ novi electionem nondum procedere videns, per armorum terrorem eam  
**Ric. S. Ger. p. 1040.** urgere statuit. Igitur an. 1243 mense Aprili numerosum ducens exercitum relicta Apulia Campaniam felicem intravit: deinde mense Majo Romam profectus, vastata omni vicinia, magnam urbem partem obsedit. Conquerebantur Romani, ac Cæsari exponebant, interregni diuturnitatem non sibi, sed Cardinalibus adscribendam esse, qui non modo singularium commodorum studiis, & animorum sensibus, verum etiam locis divisi, variis in urbibus abditi hæerent. Ergo revocatis ille copiis edici jussit, ut Ecclesiæ atque Cardinalium, non aliorum terras devastarent. Tum Sarraceni, sub eo stipendia facientes, malique inter milites Christiani oppugnatam urbem Albanam ipsaque templa centum quinquaginta numero atrociter expilabant, ornamenta, calices, libros, & quidquid in rem suam vertere poterant, asportando, incolasque in extremam redigebant miseriam. Cardinales, ne cæteris Ecclesiæ terris idem fieret, Imperatorem, ut has direptiones sisteret, orantes, quamprimum se Papam electuros spondebant: & ille retexto edicto, quin etiam Jacobo Episcopo Prænestino ad Cardinales Collegas suos honorifice remisso, avocavit tandem

dem exercitum, ac Regnum repetiit suum. Sæcul. XIII.  
A.C. 1243.

Galli quoque per legationem Cardinalibus in Romana curia instabant, ut ne differrent amplius electionem: *alioquin, ajebant, quæremus media vestram supplendi negligentiam, & nobis constituendi Papam cis alpes, cui morem gerere debeamus.* Matthæus Paris hoc referens addit, Gallos has minas intendere ausos esse ob suum jus antiquum S. Dionysio a S. Clemente datum, cum illum ad Occidentis populos sacram in expeditionem mitteret. Ergo id alibi non inveni.

*Matth. Par. p. 532.*

Die festo S. Joannis 24 Junii an. 1243. Cardinales denique Papam cooptarunt. Is erat Sinibalius Fiescus Genuensis e pro- sapia Lavanix Comitum, Cardinalis Presbyter S. Laurentii in Lucina. Anagninæ communi electus consensu, Innocentius IV. dictus, eodemque loco die lunæ 29 ejusdem mensis festo SS. Petri & Pauli inauguratus est. Apostolica Sedes unius anni & octo pene mensium spatio vacaverat, & Innocentius eam annis undecim ac dimidio tenuit. Mox Episcopis de sui electione pro more notitiam dedit, sacram in memoriam se commendans, ut liquet ex epistola ad Archiepiscopum Remensem ac ejus Suffraganeos 2. Julii data. Finit per memorabilem hanc clausulam: *Cæterum quia ejusmodi*

*Id. p. 534.*

*Ric. S. Ger. p. 1040.*

*Raynald. 1243. n. 5. 6.*

*Lib. epist. 1. ap. Rain. n. 7.*

D d 3 litte-

Sæcul. XIII. *litterarum latores interdum exactioes faciunt, vetamus, ne huic quidquam largiamini præter victum, ac necessarium, si forsan ægrotet, auxilium: quoniam se nihil accepturum juravit, & de sumptibus itineris aliunde provisum est.*

§. II.

*Papæ Legati ad Imperatorem.*

Cardinalis Sinibalius in Papam electus fuerat, quia Friderico erat charissimus, &, quod consequitur, eidem cum Romana curia reconciliando præ cæteris idoneus. Nuncium tamen Cæsari doluisse mirum fuit omnibus: & ipse rationem exposuit, *Prævideo*, inquit, *amicum antea Cardinalem inimicum mihi Papam fore.* Melphiæ tunc erat, cum rem comperit, totique regno suo preces indici iussit, ut Deo grates agerentur. Dein mense Julio ad Papam misit Berardum Archiepiscopum Panormitanum, & quinque Legatos, Girardum Teutonicorum Equitum Magistrum, Anfaldum Siculæ classis Præfectum, Petrum de Vineis & Thaddæum Sueffiensem Controversiarum Aulæ Cæsareæ Judices, atque Rogerium Porcastrellium Decanum Messanensem, sacello aulico præfectum. Dabat simul epistolam, in qua Papam veterem amicum suum, & ex nobili Imperii familia ortum

*Ricordano  
Malesp. c. 132  
Ricard. ibid.*

*Petr. de Vin.  
I. ep. 33. &  
ap. Rain.  
n. II.*